

ԽՄԲԱԳՐՈՒԹՅԱՆ ԿՈՂՄԻՑ

Հրացավ «Պատմա-բանասիրական հանդեսի» հսան տարին: Մեր Եռամսյա պարբերականը, որ հիմնադրվել է 1958 թ., նպատակ է ունեցել օժանդակել հայագիտության և նրա հետ առնչվող գիտությունների (կովկասագիտության, արևելագիտության, բյուզանդագիտության) զարգացմանը:

Իր գոյության հսան տարիների ընթացքում պարբերականն արժարժել է հայ ժողովրդի պատմության, լեզվի, գրականության, արվեստի ու վիլիսո-փայության բնագավառներին վերաբերող բազմազան հարցեր, լուսաբանել է կովկասագիտության, ընդհանուր պատմագիտության ու բանասիրության մշակութային խնդիրներ, բացահայտել է Հայաստանի բազմազան, տնտեսական, մշակութային դարավոր կապերը հարևան և ուրիշ ժողովուրդների հետ, ընթերցողներին ծանոթացրել է Սովետական Հայաստանի գիտության ու մշակույթի նվաճումներին և սփյուռնահայության բազմազան-հասարակական ու մտավոր կյանքին:

Հանդեսի էջերում տպագրվել են, օրինակ, ուսումնասիրություններ Ռուստուի պատմության, հայ ժողովրդի կազմավորման, հայ գրականության սկզբնավորության, հայ էքնոսի կազմավորման, հնագույն հայկական քաղաքագիտությունների, հայ բարբառների դասակարգման, վաղ միջնադարյան հարաբերակցության, ազատագրական շարժումների, հայ գրական և հասարակական հոսանքների, հայոց պատմության կեղծարարների, Հայաստանի և Ռուսաստանի, Վրաստանի, Ադրբեջանի, Ուկրաինայի, Բուլղարիայի, Լեհաստանի, Հունգարիայի պատմական ու մշակութային կապերի, հայ զարթոյանների վերաբերյալ: Հրապարակվել են հոդվածներ անցյալի ու ժամանակակից ակնավոր հայ գիտնականների մասին (Մեսրոպ Մաշտոց, Մովսես Խորենացի, Դավիթ Անհաղթ, Անանիա Շիրակացի, Մխիթար Գոշ, Հովսեփ Օրբելի, Մանուկ Աբեղյան, Հակոբ Մանանդյան, Հրաչյա Անադյան, Գրիգոր Ղափանցյան, Նիկողայոս Ադոնց, Թադևոս Ավդալբեկյան, Աշոտ Հովհաննիսյան և ուրիշներ): Հատուկ ուշադրություն է նվիրվել հայ գրականության և արվեստի երախտավորների (Ֆրիկ, Ներսիսյան, Սայաթ-Նովա, Աբովյան, Թումանյան, Կոմիտաս, Սարյան, Իսահակյան, Դեմիրճյան, Տերյան, Չարենց և ուրիշներ) կյանքի ու ստեղծագործության տարբեր կողմերը լուսաբանող նյութերին: Հրապարակվել են մի շարք ակնավոր հայագետների և հայ գրականության ու արվեստի նշանավոր դեմքերի անտիպ գործեր:

«Հանդեսի» էջերում ծավալված բնագիտությունները յուրովի նպաստել են ստեղծագործական բանավեճներին, գիտական հարցերի մարհս-լենինյան լուսաբանությանը, պատմագրական մի շարք հանգուցային խնդիրների պարզաբանմանը:

Տպագրվել են աղբյուրագիտական նորույքներ, հնագիտական պեղումների արդյունքներն ամփոփող նյութեր, նորահայտ մատենագրական և արխիվային կարևոր փաստաթղթեր:

Պարբերականը պատշան տեղ է հատկացրել նաև գրախոսություններին ու գիտական ինֆորմացիային, արձագանքել է կարևոր հոբելյաններին և հաղորդումներ է տպագրել միջազգային կոնգրեսների, գիտական կոնֆերանսների մասին:

Մեր պարբերականի էջերում հանդես են եկել սովետահայ նշանավոր հայագետներ, անվանի գիտնականներ Մոսկվայից, Լենինգրադից, Քրիլիսիից և Բաֆից, Քիշինևից ու Սովետական Միության այլ ֆաղափներից, ինչպես նաև Բսկուրիայից, Ռումինիայից, Չեխոսլովակիայից, Ամերիկայի Միացյալ Նահանգներից, Ֆրանսիայից, Իտալիայից, Նորվեգիայից, Իրանից և այլ երկրներից:

Զանազան երկրներից ու ֆաղափներից ստացված բազմաթիվ նամակները, սովետական և արտասահմանյան թերթերի ու ամսագրերի տպագրած հրվատական հոդվածները խոսում են «Հանդեսի» վայելած հեղինակության մասին:

«Պատմա-բանասիրական հանդեսի» երրորդ տասնամյակի շեմին խմբագրությունը ուզում է հավաստիացնել ընթերցողներին, որ այսուհետև էլ իր շուրջը համախմբված անվանի հայագետների, կովկասագետների և արևելագետների օգնությամբ շանֆ չի խնայի ավելի բարձրացնելու «Հանդեսի» գիտական մակարդակը, առավել բովանդակային ու հետաքրքիր դարձնելու մեր պարբերականը: